



**PEKELILING PENTADBIRAN
BILANGAN 31 TAHUN 2020**

**GARIS PANDUAN PELAKSANAAN SOLAT JUMAAT
DI MASJID SAYYIDINA ABU BAKAR
UNIVERSITI TEKNIKAL MALAYSIA MELAKA
SEPANJANG TEMPOH PERINTAH KAWALAN
PERGERAKAN BERSYARAT (PKPB) ATAU APA-APA
TARIKH YANG DITETAPKAN OLEH
MAJLIS AGAMA ISLAM MELAKA (MAIM)**

Pejabat Pendaftar
28 Mei 2020 | 5 Syawal 1441H

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri dan Masyarakat)
Penolong Naib Canselor (Pembangunan dan Pengurusan Fasiliti)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.14.02/100-3/2/1 JLD. 3 (31)

28 MEI 2020
5 SYAWAL 1441H

PEKELILING PENTADBIRAN BIL. 31/2020

GARIS PANDUAN PELAKSANAAN SOLAT JUMAAT DI MASJID SAYYIDINA ABU BAKAR, UNIVERSITI TEKNIKAL MALAYSIA MELAKA SEPANJANG TEMPOH PERINTAH KAWALAN PERGERAKAN BERSYARAT (PKPB) ATAU APA-APA TARikh YANG DITETAPKAN OLEH MAJLIS AGAMA ISLAM MELAKA (MAIM)

1.0 PENDAHULUAN

- 1.1 Garis Panduan ini dikeluarkan untuk menjelaskan kaedah pelaksanaan Solat Jumaat di Masjid Sayyidina Abu Bakar, UTeM sepanjang Perintah Kawalan Pergerakan Bersyarat (PKPB) atau apa-apa tarikh yang ditetapkan oleh Majlis Agama Islam Melaka (MAIM).

2.0 LATAR BELAKANG

- 2.1 YAB Perdana Menteri Malaysia telah mengisyiharkan Perintah Kawalan Pergerakan (PKP) bermula 18 Mac 2020 dan dilanjutkan sehingga 12 Mei 2020. Berdasarkan perkembangan semasa COVID-19, YAB Perdana Menteri telah mengumumkan pelaksanaan Perintah Kawalan Pergerakan Bersyarat (PKPB) mulai 4 Mei 2020. Sebahagian besar daripada aktiviti ekonomi dan sosial dibenarkan, kecuali beberapa aktiviti yang melibatkan perhimpunan ramai dan mendedahkan orang awam kepada risiko jangkitan wabak COVID19 termasuk perhimpunan keagamaan di masjid dan surau juga adalah tidak dibenarkan.
- 2.2 Memandangkan PKPB telah memberi sedikit kelonggaran secara berperingkat dengan garis panduan tertentu kepada semua pihak, maka satu Garis Panduan Solat Jumaat disediakan bagi tujuan pelaksanaan dengan mengambil kira aspek mengurangkan risiko penularan wabak COVID-19.
- 2.3 Garis Panduan ini dirangka bagi memastikan aktiviti Solat Jumaat tidak menjadi sebab kepada penularan wabak COVID-19.

- 2.4 Garis Panduan ini dirangka berdasarkan kepada Pekeliling Jabatan Mufti Negeri Melaka Bil. 10/2020 bertarikh 14 Mei 2020 yang membenarkan pelaksanaan Solat Jumaat di Negeri Melaka.

3.0 PELAKSANAAN SOLAT JUMAAT

- 3.1 Solat Jumaat di Masjid Sayyidina Abu Bakar, UTeM akan bermula pada 29 Mei 2020 bersamaan 6 Syawal 1441H dan seterusnya tertakluk kepada apa-apa tarikh yang ditetapkan oleh Majlis Agama Islam Melaka (MAIM).
- 3.2 Jumlah jemaah yang hadir ialah maksimum **seramai empat puluh (40)** orang sahaja tidak termasuk pegawai syarak yang bertugas. Solat Jumaat hanya dibenarkan kepada sesiapa sahaja yang telah diberi kebenaran untuk hadir bertugas dan kepada staf serta pelajar yang berada di dalam kampus.
- 3.3 Kehadiran staf, pekerja bukan staf, kontraktor, pelajar luar dan orang awam ke kampus semata-mata untuk solat jumaat adalah tidak dibenarkan.
- 3.4 Solat Jumaat dan khutbah hendaklah diadakan secara ringkas dan diselesaikan dalam tempoh masa dua puluh (20) minit. Zikir dan doa selepas solat juga hendaklah diringkaskan.
- 3.5 Jemaah hendaklah bersurai dengan segera dan secara teratur selepas Solat Jumaat. Solat sunat selepas solat Jumaat adalah tidak digalakkan.

4.0 TANGGUNGJAWAB PUSAT ISLAM

- 4.1 Mengenalpasti 40 orang jemaah sahaja yang akan hadir untuk pada setiap Solat Jumaat berdasarkan permohonan dan kelulusan.
- 4.2 Kebenaran hadir ke solat jumaat di dalam kampus hendaklah diluluskan oleh Pusat Islam. Bagi kontraktor, pekerja bukan staf dan pelajar, permohonan hendaklah melalui Ketua PTj (sehari sebelum) dan seterusnya dipanjangkan kepada Pusat Islam untuk pertimbangan dan kelulusan.

- 4.3 Kehadiran adalah melalui jemputan (jika ada keperluan), atau pemilihan dan hendaklah dikawal. Sistem penggiliran boleh dilaksanakan sekiranya ramai jemaah yang memohon untuk hadir Solat Jumaat. Jemaah yang telah dikenalpasti oleh Pusat Islam hendaklah dimaklumkan sehari sebelum pelaksanaan Solat Jumaat.
- 4.4 Menandakan kedudukan jemaah lebih awal di ruang solat dengan menjaga penjarakan sosial sekurang-kurangnya pada kadar satu meter.
- 4.5 Memastikan pelaksanaan proses nyahkuman (sanitasi) di keseluruhan ruang solat yang akan digunakan oleh jemaah dan juga laluan masuk dan keluar sebelum dan selepas Solat Jumaat.
- 4.6 Memastikan kawasan ruang solat mempunyai pengudaraan yang baik.
- 4.7 Jemaah hanya dibenarkan masuk dan keluar melalui pintu yang dibenarkan sahaja. Jemaah hendaklah memakai *face mask*, menggunakan *hand sanitizer* dan merekod kehadiran.
- 4.8 Hanya pintu dan pagar masjid yang ditetapkan sahaja dibuka kepada jemaah satu jam sebelum azan dan ditutup sejurus selepas selesai doa dibacakan.
- 4.9 Memastikan jemaah yang hadir memenuhi kriteria yang ditetapkan iaitu:
 - i. Telah ditentukan lebih awal oleh Pusat Islam.
 - ii. Mempunyai suhu badan tidak melebihi 37.5 darjah celsius.
 - iii. Memakai *face mask* sepanjang masa termasuk ketika solat.

5.0 TANGGUNGJAWAB JEMAAH

- 5.1 Jemaah yang dibenarkan untuk hadir hendaklah mematuhi perkara berikut:
 - i. **Telah ditentukan oleh Pusat Islam untuk hadir Solat Jumaat.;**
 - ii. **Jemaah yang hadir hendaklah sentiasa memakai *face mask*;**
 - iii. **Mestilah berwudhuk terlebih dahulu sebelum hadir ke masjid;**

- iv. **Tiada kontak fizikal dibenarkan seperti berjabat tangan sama ada sebelum atau selepas solat;**
 - v. **Jemaah hendaklah bersegera meninggalkan masjid selepas selesai solat dan doa; dan**
 - vi. **Jemaah disarankan membawa sejadah atau kain serban/selendang sendiri untuk mengalas kepala/muka semasa sujud.**
- 5.2 Jemaah yang tidak terpilih untuk menunaikan Solat Jumaat pada hari tersebut hendaklah menunaikan Solat Zuhur di kediaman/pejabat masing-masing.

6.0 KAWALAN DAN PELAKSANAAN

- 6.1 Pusat Islam hendaklah memastikan Garis Panduan ini dipatuhi.
- 6.2 Pihak Berkuasa dan Pihak Pengurusan Universiti boleh mengarahkan agar sesi Solat Jumaat pada hari tersebut ditangguhkan sekiranya didapati terdapat jemaah yang tidak mematuhi garis panduan yang ditetapkan.

7.0 TARIKH KUAT KUASA

- 7.1 Pekeliling Pentadbiran ini adalah berkuat kuasa mulai 28 Mei 2020.

Sekian, terima kasih.

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT

Ketua Pegawai Operasi
Universiti Teknikal Malaysia Melaka